

進學經  
錫杖經  
貧窮老公經  
佛說三摩竭經

二百八十七  
安六

49627



元祿九年丙子二月日重脩

皇圖聖業 帝潛徽昌

佛日增輝 懋輪常轉

山城州天安寺法金剛院置

四經同卷

進學經

錫杖經

貧窮老公經

佛說三摩竭經

進學經

宋居士沮渠京聲

譯

聞如是一時佛遊舍衛祇樹之園須

達精舍

大賢衆千二百五十人佛告諸比丘有四雅

行智者常遵丈夫所修達士恒奉不才愚夫

所不好樂何等為四孝事父母悅色養之守

仁行慈終始不殺慧施濟乏未曾悋逆遭值





聖世捐榮履道是四雅行智者所遵丈夫所  
修達士所奉不才愚夫所不好樂佛時頌曰  
智者稱考愍念慈活放施普給超俗崇寂  
如是正業明士所習聖見已具定至無為

佛告比丘復有二法若在閑宴或處大衆必

行莫懈一者靜寂賢聖嘿定二者博學講論

安六

邃義又有二施飲食美味以安身命敷散經

典開微悅聽食施安身法施遷神二事雖快

法施為最是以比丘念演妙法宜慧莫癡既

自洗濯并滷塵暑如是道法永度無窮乃名

出家具足覺了佛說竟比丘歡喜作禮受教

佛說進學經



得道梯陞錫杖經

失譯今附東晉錄

尔時世尊告諸比丘汝等皆應受持錫杖所以者何過去諸佛執持錫杖未來諸佛執持錫杖現在諸佛亦執持錫杖如我今日成佛世尊亦執持如是應持之杖過去未來現在諸佛教諸弟子亦執錫杖是以我今成佛世尊如諸佛法以教於汝汝等今當受持錫杖所以者何是錫杖者名為智杖亦名德杖彰顯聖智故故曰智杖行功德本故曰德杖如是杖者聖人之表式賢士之明記趣道滿之正幢建念義之志是故汝等咸持如法

尔時尊者迦葉從座而起整衣服偏袒右肩  
合掌踴跪而白佛言世尊云何名錫杖云何  
而受持唯然世尊願開演說我一一行

佛告迦葉諦聽善思念當為說之所言錫杖  
者錫者輕也依倚是杖得除煩惱出於三界

故曰輕也錫者明也持杖之人得智慧明故

安六

曰明也錫言不迴持是杖者能出三界不復

染著故曰不迴錫言惺也持是杖者惺寤苦

空三界結使明了四諦十二緣起故曰惺也

錫言不慢持是杖者斷除煩惱慢業故曰不

慢錫者言疏持是杖者與五欲疏斷貪愛結

散壞五陰遠離五蓋志趣涅槃疏者為業故



曰疏也錫言採取持是杖者採取諸佛戒定  
慧寶獲得解脫故曰採取錫者成也持是杖  
者成就諸佛法藏如說修行不令缺減悉具  
成就故曰成也佛告迦葉如是錫字其義廣  
多不可具陳汝今當知如是受持

迦葉白言世尊是錫杖者其義如是云何智  
杖乃至建念義之志唯然世尊願敷演說

佛言是錫杖者為修智士廣修多聞解世出  
世別分善惡有為無為有漏無漏了知無礙  
智慧成就故曰智杖為持禁戒忍辱禪定一  
心不亂常修福業無時懈怠如救頭然故曰  
德杖攝持是杖如斯之人內具十未行謂四



請苦集滅道四等慈悲喜捨四禪初禪二禪  
三禪四禪四無色定空處識處不用處想  
非非想處獲具三十七行謂三十七助道法  
於是法中了了分別身自作證不隨音聲於  
是法中而自遊戲入空無相無願解脫門自  
在無難名之曰聖安六內有是德外執錫杖表式  
是人必有聖德戒忍定慧三明六通及八解三  
脫皆悉具有以記此人望表生敬故曰聖人  
之表識也賢士之明記者內有智性曰賢士  
明記此人內有智性習功德本於法增精進  
善法成辨故曰賢士明記此人不久之明智  
慧成就入無為處寂然宴靜涅槃樂第一

義道故曰趣道之法幢建念義之慧者是杖  
有三停見三停重則念三塗苦惱則修戒定  
慧念三灾老病死則除三毒貪瞋癡念三界  
之無常則信重於三寶除三惡勤三漏淨三  
業欲具三明入三解脫也得三念處通三達  
智故立三停以相重也復有四楞者用新四  
生念四諦修四等入四禪淨四空明四念處  
堅四正勤得四禪足故立四楞通中高五用  
斷五道苦惱迴輪修五根具五力除五蓋散  
五陰得五分法身故立五也十二環者用念  
十二因緣通達無礙修行十二門禪念心無  
患三重四楞合數成七以念如來半覺意法



成就七聖財通傳鑽八用念八正道得八解  
脫除滅八難故用八也略說錫杖其義如是  
汝當善聽受持迦葉白佛言如是世尊如聖  
法教

今時迦葉復白佛言世尊三世諸佛法同是  
也佛言有杖是同若用不同或有二鈷或有  
四鈷安六環數無別但我今日四鈷十二環用是  
之教二鈷者迦葉如來所制立也令諸衆生  
記念二諦世諦第一義諦以立其義今時世  
尊說是法已尊者迦葉千二百衆及諸大會  
皆悉歡喜頂戴奉行持錫杖威儀法有等十  
五事持錫杖十事法一者為地有串故二者



為年朽老故三者為分趣故四者不得手持  
而前却五者不得擔杖著肩上六者不得橫  
著肩手垂兩頭七者出入見佛像不聽有聲  
八者杖不得入衆九者不得妄持至舍後十  
者不得持杖過中出後有五事一者遠請行  
宿過中得出二者至病瘦家過中得出三者  
送過世者過中得出四者外道請者過中得  
出五者不得將杖指人盡地作字後有五事  
一者三師俱出不得持杖自隨二者四人共  
行除上座不得普持三者到檀越門好正威  
儀四者入檀越門三抖擻三反不出從餘  
家五者檀越出應持杖著左肘中來後有五

事一者杖恒在已房中不得離身二者不聽  
不頭著地三者不聽杖許生衣四者日日須  
好磨拭五者杖欲出時當從沙弥邊受若無  
沙弥白衣亦得

錫杖四銛應四諦

環應十二因緣

中召明中道義

上頭應須弥頂

第二應須弥山

中央木應於空

下錯應須弥根

沙門之法解空得道執此空惺寤世間一切象

生諸比丘等至心奉行

凡體法上臺法天下臺法地四枝法四天王

十二環法十二因緣苞含天地人乘上下無



不斯盡凡發慈心廣生萬行勿不准此已起  
善本持杖法此費天俠地著左脇下以小指  
拘之使兩頭平正不令高下鳴則常鳴不令  
聲絕均細調和恒使若初若初無聲訖一行  
處不令有聲若初有聲訖一行處常令有聲  
亦令麁細一等不得或麁或細僧著左足上  
尼著右足不得著地若擅越出近至三家遠  
滿七家若不得更不容多過若過非行者法  
若限內得食持杖懸之樹上勿令著地若無  
樹著地平處不令傾側眠時杖與身相順置  
之牀後正與身齊不令前却持行路止息時  
頭常向日勿令倒逆違背持此杖即持佛身



萬行盡在其中謂持天仗地并觀十二因緣  
為護身亦護一切如其傾側一切萬物皆亦  
傾側如其平正一切含生皆令安隱無為若  
下臺著地之時令三塗衆生苦劇踰增若不  
著地令三塗衆生因之得拔如其顛倒則逆  
世界亦令行者其心迷亂若能慎持彼此俱  
利矣若<sup>安六</sup>是持具現得威儀入護助後得獲果  
速成正覺

得道梯墜錫杖經

佛說貧窮老公經

宋釋慧簡譯



聞如是一時佛在舍衛國精舍中坐與二千  
比丘俱時有一貧窮老公年二百歲眉生秀  
毛耳出於頭齒如齊貝手過於膝貌而視之  
似如有相而貧窮辛苦衣不蓋形五體裸露  
腹恒飢虛行步時動小有氣息扶杖而來來  
欲見佛釋梵侍門勅不通之老公因大歎曰  
吾雖貧賤民之斯下千載有幸今得值佛欲  
問罪福求離衆苦我聞世尊仁慈普逮萬物  
蒙賴莫不受恩是以遠來乞一示見而卿剖  
我既違我願有誤聖意豈宜可尔乎佛以知  
之願語阿難汝寧見長壽耆年有相老公而  
罪未畢者乎阿難叉手白佛言安有相福者



壽而有羅罪羅罪之人豈復有相今在何許  
生所未見佛言近在門外釋梵斷之可喚使  
前於是老公匍匐寸進為佛作禮悲喜交流  
而白佛言我生世不幸貧窮辛苦飢餓寒凍  
求死不得活無所賴人命至重不能自棄聞  
佛在世心獨歡喜晝夜發心願一奉顏由來  
十年<sup>安</sup>今始得果向在門外久不得前計欲還  
去氣力不堪進退無路但恐命絕穢汙聖門  
重增其罪不悟天尊已哀矜之得蒙前進不  
奪本願如此而死無復恨矣惟欲速終畢罪  
後世願得垂恩施其上慧佛言人之受生生  
死因緣以多因緣致有罪根今我為汝說其

本願卿前世時生豪強大國明惠王家時為  
太子憍貴非凡上為父母所愛下為臣民所  
敬用此恣意輕凌於人高目大視矜抗邈然  
財寶億萬皆是民物百姓貧弊皆坐課斂惟  
知聚積財物不肯布施時有貧寒沙門名曰  
靜志從遠國來故往詣卿所求不多惟法衣  
耳而卿了不當接遇之甚惡既不乞衣又不  
與食空坐著前去後不聽晝夜七日水漿亦  
絕亦有氣息命在轉燭而卿見此方大歡喜  
聚人看之以為快樂邊有侍臣而諫卿曰太  
子莫令沙門慈恭道德內合凍之不寒餓之  
不飢所以來乞欲為福耳既不施與安可窮



逼幸發遣之勿招其罪太子答曰此是何人  
詐稱道德試小困之纔令不死正尔放去無  
所憂也即便遣去驅逐出國未出國界十餘  
里中途遭飢賊欲殺噉之沙門言曰我貧凍  
沙門羸瘦骨立肉既腥臊不中噉也空當見  
殺而無所任餓賊又曰我餓困累曰但食土  
耳安知躡小瘦故是肉也終不相放但當就死  
如此前却紛紜良久太子得知便往救曰我  
以不能乞其衣食寧當獲令賊殺之耶賊見  
太子皆叩頭首過謝罪放沙門去時沙門者  
今弥勒菩薩是憍貴太子者今卿是也故卿  
今日受此貧窮之罪坐慳貪也所以得長壽



者救活沙門之命也。罪福報應亦如影響。老  
公白佛去事已，願畢於今，乞得以垂殘之  
命得作沙門。後生世世常侍佛邊，佛言善哉。  
應時老公鬚髮隨地，法衣在身體，氣強健耳  
目聰明，即得上慧，入三昧門，以偈讚佛。

我昔為太子

不識仁義方

憍貴自放恣

特為大國王

自謂無罪福

此以可保常

豈悟生死對

於今受其殃

從罪復蒙福

得覩天中天

能脫既往罪

垂命入法門

永離慳貪心

長受智惠根

世世侍佛邊

保持萬劫存

於是老公比丘說是偈已，禮佛而去。

佛說貧窮老公經



佛說三摩竭經

吳世沙門竺律炎譯

聞如是一時佛在舍衛國祇樹給孤獨園與  
千二百五十比丘五百菩薩俱帝王人民及  
諸天安龍鬼神無復央數九時有難國王名分  
陂檀不信佛法但好外道日於宮中飯諸尼  
捷萬餘人難國王常喜貢高自用智慧無雙  
以鐵鑠其腹常恐智慧從腹橫出王欲為其  
太子聚婦即問左右群臣天下寧有智慧如  
我者不若有者我欲為子娶其女大臣便受



王教即徧至國中求索了無有如王亦自知  
國中無有即更遣使者行到他國求索智士  
女公時使者即受王教便至舍衛國使者便  
問國中人民是國中寧有好道賢者不乎人  
答言有使者言姓字何等人報言字為佛使  
者言佛寧有女無人言佛者道人也無有女  
使者言次復有誰人答言復有人字阿難邠  
坻大賢善好道有好女國中第一使者言何  
用為第一國中人言曾與太子祇共請買園  
田八十頃持上佛復以象負輦黃金數千萬  
億持雇園田不貪重寶但念為善耳使者聞  
國中人言大歡喜自知以得消息即還本國

白王言迺舍衛國中有賢善者大好道字阿  
難邠坻難國王聞使者言便作書即遣太子  
與郡臣百官嚴駕載珍寶俱相隨到舍衛國  
止頓太子著城外使人便入城至阿難邠坻  
舍時守門者便入白阿難邠坻外有使者來  
阿難邠坻即自出應門見使者黑醜如鬼阿  
難邠坻大驚言汝何等人乎即答言我是難  
國王使者阿難邠坻言卿來欲何等求索使  
者言我來宣傳教命難國王雖不相見遙相  
愛敬人每往來歌歎卿功德無有量聞君賢  
善大好道有女故來欲為太子求君女王亦  
自有書相聞阿難邠坻即欲罵之便自忍而



不言便呼前共坐相問訊談語使者便以書  
示之阿難邠坻即讀書訖竟答使者言我有  
大人當往報之若聽我者我當還語卿消息  
便留坐使者阿難邠坻便到佛所即前為佛  
作禮却長跪叉手白佛言今難國王遣使者  
來到我家其人狀類黑如鬼辭言欲為王大  
子求我女三摩竭今當云何佛言與之阿難  
邠坻言使者黑如鬼其王太子當何類我復  
曾從佛聞難國王但事諸尼捷裸形無有衣  
被狀類醜黑驚怖我女佛言不也與之當知  
是因緣三摩竭應當於裸國度脫八萬人阿  
難邠坻不敢復問佛心憶恨意即還歸謂使



者言卿奉王教命故從遠來求索我女大善  
當相與使者聞阿難邠坻言即還到城外至  
太子所便與太子俱相隨來到阿難邠坻舍  
即從車上下金銀及禮娉與阿難邠坻便共  
請人容飲食相娛樂七日訖竟阿難邠坻遣  
送三摩竭奴婢衣服及與珍寶無復央數太  
子便載三摩竭去還歸本國

安六

十一

爾時難國王見子婦來歸即大歡喜便請其  
師尼捷若陀弗及萬二十弟子悉入宮飯之  
難國王夫人及太子悉下飯具爾時呼三摩  
竭來出欲令下飯分兵禮諸師三摩竭適至  
第三門中遙見諸尼捷悉羅坐裸形無有衣

被三摩竭即大驚是為狗畜生無有異便兩  
手覆面遙唾之即還入室不肯復出諸尼捷  
皆瞋恚三摩竭即告王言從何得此榮感不  
吉利之人在王宮促遣令去若不遣去者當  
壞敗王國中諸尼捷不肯復飲食即欲起去  
王便辭謝諸師我當為大師遣云明日不復  
令現於宮中諸尼捷及飯食訖便去即日太  
子自往至三摩竭所三摩竭時大瞋恚教婢  
令閉門如是四五日太子不敢復往夫人即  
問太子何故不往太子默聲不言夫人已知  
之即自往到三摩竭所我為子娶若令當承  
事我子何故折辱我子三摩竭答言夫人子



所事師及國中人民皆如狗畜生無有異夫  
人聞之大慚愧即還白王言大王自用道智  
無雙國中無有可王意者王迺勞群臣八十  
里求婦今婦無所畏難折辱我子復面罵我  
言比狗畜生王聞夫人言即自往到三摩竭  
所安六介時三摩竭大憍慢不肯出為王作禮王  
即遙問三摩竭我行八千里娶若以賢善故  
若聞者既辱我師今復面罵夫人及太子豈  
有不可乎三摩竭報言然大王師及夫人太  
子并其國中人民皆如狗畜生無異王即驚  
言是小女子今折辱我如是我恐智從腹中  
橫出以鐵鏢我腹我日飯諸道士萬餘人誰



能及我者今汝交面相罵三摩竭言王國中  
人民所事師常無有衣裳裸形相視當有何  
等道設使有道尚不足以貴何況無道大王  
日雖飯是葷萬餘人者皆是我所不恭敬葷  
常唾賤者尔時難國王太窮即自思惟當共  
誰議是事即自往到尼捷若陀弗所前為師  
作禮白言我娶婦已於舍衛國得婦聞者無  
狀既折辱大師今復憍慢面罵我及夫人太  
子比狗畜生雖是婦不以婦禮事我今當云  
何師告王復往問之言汝國中人民所事何  
如我國中人民所事知何等言王往慎勿得  
瞋怒徐問之自當有語王即受教如師所言

便到三摩竭所門言汝國中人民所事何用  
勝我國中人民所事三摩竭言我國中人民  
所事最尊男女皆有衣裳尊卑異路身體不  
相見現有大小名佛教授數千億萬人皆令  
得度世泥洹道入火不燒入水不溺能典攬  
三千大千日月萬二千億天地變化入無間  
安六出魚孔知當來過去今現在事身有十三三十二  
相八十種好道德通達諸天帝王人民雜會  
稽首來謁王聞三摩竭語即大踊躍歡喜尔  
時難國王告三摩竭言汝所事佛寧可得見  
不三摩竭言我能為大王遙請之即可致王  
言大善迺相去八千里請佛當云何三摩竭



言不須大王遣人請但當至意遙燒香請也  
佛神通照知人心中所念王夫人及太子皆  
隨我後三摩竭即自上高臺上整服便向舍  
衛國長跪燒香持頭面著地作禮言今難國  
王不知天下有佛當用一切人民故哀悲諸  
勤苦願佛明且與諸比丘僧勞屈尊神來到  
難國王所飯言適竟香烟便繞佛所遙佛三  
匝於佛上化作香蓋佛時適為無數千人說  
法尔時阿難前長跪叉手白佛言是何等感  
應迺尔願佛解說其意佛告阿難難國王及  
三摩竭明且當請佛及諸比丘僧三摩竭有  
至心欲令難國人民悉捨邪見令向正道香



來至此請佛尔時即告摩訶目犍連勅諸比  
丘僧明且當到難國三摩竭所食摩訶目連  
受佛教即宜語諸比丘明日當就請勿得他  
餘行於是三摩竭皆令王夫人太子及諸采  
女齊戒燒香布坐席設飯食具悉辦三摩竭  
知佛當來與王夫人太子采女及諸尼犍共  
安六住中庭三摩竭告王夫人太子皆隨我後今  
諸羅漢當先來至佛最在後知曹慎莫驚怖  
隨我所為三摩竭於是復長跪燒香言飯具  
已辦願佛用時佛知三摩竭心所念即告諸  
比丘今日當到難國食汝曹各以道變化自  
在所為諸比丘即受教中有化作龍虎鳥鳳

鳳孔雀牛鳩鶴百鳥羣獸交露帳者諸象僧  
悉在其中坐各各皆不同尔時佛自坐師子  
交露帳中即與千二百五十比丘五百菩薩  
諸天鬼神龍俱從虛空中神足飛行適至難  
國佛便放光明天地大震動諸羅漢菩薩各  
悉作變化先來下難國人民見此變化皆大  
驚怖王問三摩竭言是佛不也答言非佛三  
摩竭告王勿恐是諸弟子也佛最在後身中  
有三十二相八十種好須臾之間佛俱從上  
來下釋梵四天王在前導諸天鼓琴作其倡  
伎而藥佛三摩竭與王夫人太子即持華香  
迎佛前為佛作禮便相將入宮即就坐諸菩



薩阿羅漢皆前坐大沙相次三摩竭即令王  
夫人太子前行澡水便下飯食具國中人民  
來觀者甚衆多王令大臣閉宮門人民見王  
閉宮門大瞋恚王所各持斧欲破宮門佛遙  
知之言我所行化皆欲令作善令難國人民  
皆來觀王而閉宮門也佛安六爾時欲令一切人  
等見佛即使宮門牆壁悉化作水精色十五內外  
相見難國人民見佛及諸菩薩羅漢皆大歡  
喜爾時佛有一羅漢名賓頭盧時坐山上忽  
忘至難國賓頭盧坐來久適欲以鍼縷縫衣  
以鍼刺地縷與衣相連是時佛已應難國王  
宮中坐已賓頭盧即以神足飛行至難國山

便隨賓頭盧後。尔時國中有一女人，憶軀見山來，正黑恐墮其上，便大惶怖，即墮軀佛以遙知之。即令摩訶目連以神足飛行迎問。賓頭盧汝後何等？賓頭盧即還願見山，以手攬山擲，故處八千里。尔時賓頭盧即到前，為佛作禮，却坐。

佛告賓頭盧：我教天下人，欲令悉度世。今汝既失期，復殺一人，人命至重，是我道所不喜。汝從今已後，不得復隨我食，及與衆會。若當留住，後須彌勒佛出，迺般泥洹去耳。賓頭盧聞佛說如是，即默然憂愁，後自悔責。食訖，便起前，為作禮及諸菩薩、阿羅漢，共辭便入山。



中尔時難國王師尼捷若陀弗白佛言寧可  
共擁道不若不如者當投著井中佛言大善  
不須多言三問不如者當投著井中尼捷若  
陀弗言大善佛即問若誦經時云何尼捷若  
陀弗言我誦經時匍匐而行是為狗狗迺匍  
匐而行亦六尼捷若陀弗便不如佛諸弟子皆瞋  
師欲殺著井中師即大惶怖以兩手拒地不  
餘語為賜那正說是事也悉還恚其師所取  
肯入井佛言置之

尔時中庭自然有大火出其焰上詣第七梵  
天其火中自然有千葉蓮華華上有五百梵

天皆叉手長跪問佛飯何等人得福多者飯  
何等入得福少者佛答梵天言譬如以五種  
穀散著火中為生不梵天言不生佛言難國  
王前後所飯諸尼捷譬如五穀著火中終不  
復生今日飯佛及諸菩薩羅漢得福多無有  
量譬如人有好地有好種天復時雨何憂不  
生今佛是一切人福田隨人所種必得其願  
愚癡人喜教他為外道是人命盡皆當墮太  
山地獄中甚勤苦悔無所復及前人坐之未  
出後人復教作之世間人愚癡但更相期調  
是故不知真道若有點人當學正道其道不  
生不老不病不死是為泥洹大道世間凡有



九十六種道皆不及佛道佛言以一天下樹  
枝及與鳥毛作筆書佛經樹枝鳥毛悉皆可  
盡佛智不可盡大如須弥山墨磨研四海水  
點筆須弥山墨四海水皆可盡佛智終不可  
盡五百梵天聞佛語應時舉聲言善哉審如  
佛所言於是五百梵天忽然不見亦六爾時難國  
王眷屬三百人千二百采女五百大臣十七見佛  
變化皆踊躍歡喜悉發阿耨多羅三耶三菩  
心時二千婆羅門即除鬚髮皆作比丘應時  
悉得阿羅漢道萬二千尼犍應時悉解脫中  
有得須陀洹道者有得斯陀含道者有得阿  
那含道者國中人民復有六萬四千人皆信

向佛法即受五戒悉為優婆塞佛說經已即  
與諸菩薩阿羅漢俱現神足飛去今時難國  
王及夫人太子群臣人民皆大歡喜悉持頭  
者地送為佛作禮

三摩竭經四經同卷六

安

進學經

怯

良刃反

宴

於見反 遠

雖醉反

錫杖經

錫

先擊反

惺

音星又反

鈞

音古 停鑽

管子反

苞舍

上交反

俠

正作夾

貧窮老翁經

匍匐

上音蒲木反

矜

居陵反

抗

苦浪反

邈

眉角反

羸瘦



上力垂反  
下亦作瘵  
腥臊  
上音星  
下音芬  
叩音

三摩竭經

陂音鏝  
音邠  
上音星  
下音芬  
叩音

及疋併  
若陀  
上音星  
下音芬  
叩音

縷  
上音星  
下音芬  
叩音

安六

山城國綴喜那新村十八

靈瑞山酬恩菴沙門宗桂書寫之

